

Myen mung hta byin nga ai adip arrip galaw ai shiga ni hte seng nna Myen mungdan hte seng ai Sawk Sagawn Gawng Hkrang(Myanmar Independent Investigative Mechanism) ningbaw Nicholas Koumjian a ndau shabra laika

2021 ning February (11) ya

Myen mungdan hte seng ai Sawk Sagawn Gawng Hkrang(Myanmar Mechanism) gaw Hpyen dap hku nna mungdan a daru magam hpe zing la ai hpang matut byin wa ai masa ni hpe atsawm yu maja nga ai. Shawa n gun madun ai mung shawa ni hpe asak si hkrum na daram byin chye ai n gun hte laja lana adip arrip galaw ai lam, mung masa ningbaw ni hpe rim ai lam, mung shawa wuhpung kaw na malawm ni hpe rim ai lam hte, shawa n gun madun ai hta shang lawm ai ni hpe rim ai lam ni hpe matut manoi yu, madat nga ga ai.

“2011 ning kaw nna Myen mung kata hta byin ai sawng dik htum ai ru hka amu (the most serious international crimes) hte mungkan ting hte seng ai tara upadi ni hpe tawt lai ai lam” hte seng ai sakse sakgan ni hpe mahkawng na matu Myanmar Mechanism hpe lit shatsam tawn da ai re. Adip arrip ru hka amu tawt lai ai ngu ai hta sawng la ai shinggyim ahkaw ahkang tawt lai ai lam ni mung lawm ai. Ru hka amu tawt lai ai ni hpe mungdan langai ngai a tara rung (shnr) mungdan law law hte seng ai ginra tara rung (shnr) mungkan tara rung hkan bai je yang lu na matu shanhte tawt lai wa ai amu mabyin hpe sagawn shachyaw na matu mung Myen mung hte seng ai gawng hkrang hpe lit shatsam tawn da ai re. Myen mungdan hte seng ai gawng hkrang hpe ap tawn da ai ahkang aya gaw hkring mat ai lam nnga ai. Myen mung ginra hta tawt lai ai mungkan ting hte seng ai ru hka amu ni hpe sawk sagawn na matu re.

Myen mungdan a tara kanu(constitution) hte seng ai lam, ra lata poi hte seng ai lam, dimokrazi(democracy) hte seng ai bungli ni hpe Myen mungdan hte seng ai gawng hkrang (Myanmar Mechanism) hku nna galaw na lit nnga ai. Rai tim mung, anhte ni hku nna Myen mung hta sawng la ai mungkan ru hka amu hpe tawt lai ai lam (shnr) mungkan ting hte seng ai tara upadi hpe tawt lai wa ai lam, matut nna tawt lai ai lam ni hpe mu yang gaw anhte hpe shatsam tawn da ai magam bungli hpe kang ka hkra galaw sa mat wa na re. Ru hka amu tawt lai ai ni hpe je yang lu na matu sakse sakgan ni hpe hta mahkawng mat na, shanhte tawt lai ai amu mabyin hpe sawk sagawn nna, galaw shajin sa mat wa na re.